



- SENAT -

Broj: 01-2783-1/17

Sarajevo, 26. 04. 2017. godine

Z A P I S N I K
SA 7. REDOVNE SJEDNICE SENATA
ODRŽANE 26. 04. 2017. GODINE SA POČETKOM U 13:00 SATI

Prisutni članovi Senata: prof. dr. Rifat Škrijelj, rektor, prof. dr. Željko Šain, prof. dr. Aida Hodžić i prof. dr. Maida Čohodar-Husić, prorektori, prof. Marina Finci, prof. dr. Mersad Čuljević, prof. mr. Mevludin Zečević, prof. dr. Vedad Silajdžić (po ovlaštenju), prof. dr. Abdulah Akšamović (po ovlaštenju), prof. dr. Nedžad Korajlić, prof. dr. Šaćir Filandra, prof. dr. Husnija Kajmović, prof. dr. Samir Čaušević, prof. dr. Dijana Avdić, prof. dr. Davorka Završnik, prof. dr. Salih Fočo, prof. dr. Mustafa Hrasnica, prof. dr. Darko Tomašević, prof. dr. Izet Bijelonja, prof. dr. Almira Hadžović-Džuvo, prof. dr. Refik Hodžić (po ovlaštenju), prof. dr. Fatih Destović, prof. dr. Sabahudin Bajramović (po ovlaštenju), prof. dr. Hajrija Sijerčić-Čolić, prof. dr. Mustafa Memić, prof. dr. Muhamed Ajanović, prof. dr. Faruk Bogunić (po ovlaštenju), prof. dr. Nihad Fejzić, prof. dr. Nezir Krčalo, prof. dr. Naris Pojskić, dr. sc. Senija Milišić, dr. sc. Adnan Kadrić, dr. sc. Rasim Muratović, dr. sc. Alen Kalajdžija, te predstavnici Studentskog parlamenta Univerziteta u Sarajevu: Haris Zahiragić, predsjednik SPUS-a, Mirela Mujović, student drugog ciklusa studija Fakulteta za kriminalistiku, kriminologiju i sigurnosne studije, Lejla Lasić, student trećeg ciklusa studija Prirodno-matematičkog fakulteta, i Mirza Ibrahimović, student drugog ciklusa studija Fakulteta sporta i tjelesnog odgoja.

Ostali prisutni: dr. sc. Suvad Konaković, generalni sekretar Univerziteta u Sarajevu, i prof. dr. Jasminka Gradašćević-Sijerčić, predsjednica Odbora za normativna pitanja Univerziteta u Sarajevu.

Odsutni članovi Senata: prof. dr. Aleksandra Nikolić, prof. dr. Izet Rado i prof. Zijad Mehić, prorektori, prof. dr. Zuhdija Hasanović, Nadira Alimanović, student prvog ciklusa studija Elektrotehničkog fakulteta, Bakir Ganić, student prvog ciklusa studija Šumarskog fakulteta.

Sjednica je počela sa radom u 13:00 sati.

Predsjedavao je rektor prof. dr. Rifat Škrijelj, na čiji je prijedlog usvojen sljedeći

D N E V N I R E D

1. Usvajanje Zapisnika sa 6. redovne sjednice Senata od 29. 03. 2017. godine

2. Informacija o otklanjanju smetnje za obavljanje dužnosti prorektora na Univerzitetu u Sarajevu
3.
 - a) Izbori u akademska i naučna zvanja
 - b) Stavljanje van snage Odluke Senata Univerziteta broj: 01-4968/17 od 13. 07. 2016. godine o izboru u zvanje asistenta na Stomatološkom fakultetu sa klinikama Univerziteta u Sarajevu za oblast *oralna hirurgija sa dentalnom implantologijom*
 - c) Raspisivanje konkursa za izbor akademskog osoblja
 - d) Plan realizacije nastave sa listom nastavnika
4. Doktorati nauka
5.
 - a) Saglasnosti na nastavne planove i programe
 - b) Prijedlog konkursa za upis kandidata na treći ciklus studija (doktorski studij)
 - c) Prijedlog visine participacije troškova drugog ciklusa studija koji organiziraju:
 - Ekonomski fakultet Univerziteta u Sarajevu i Microsoft Bosne i Hercegovine pod nazivom „Menadžment i informacioni sistemi“
 - Elektrotehnički fakultet Univerziteta u Sarajevu pod nazivom „Softver inženjering“
6. Prijedlog programa rada Univerziteta u Sarajevu za 2017. godinu
Izvjestilac: prof. dr. Rifat Škrijelj, rektor Univerziteta u Sarajevu
7. Donošenje pravilnika o radu Univerziteta u Sarajevu
Izvjestilac: prof. dr. Rifat Škrijelj, rektor Univerziteta u Sarajevu
8. Prijedlog plana upisa studenata u prvu godinu prvog i drugog ciklusa studija za akademsku 2017/2018. godinu
Izvjestilac: prof. dr. Aida Hodžić, prorektorica za nastavu i studentska pitanja Univerziteta u Sarajevu
9. Plan rada Savjeta za nauku Univerziteta u Sarajevu za 2017. godinu
Izvjestilac: prof. dr. Ivan Čavlović, zamjenik predsjednika Savjeta za nauku i umjetnost Univerziteta u Sarajevu
10. Izdavački savjet
Izvjestilac: prof. dr. Maida Čohodar-Husić, prorektorica za kvalitet Univerziteta u Sarajevu
11. Izvještaj Komisije za utvrđivanje visine cijene koštanja studija po studentu na Univerzitetu u Sarajevu
Izvjestilac: prof. dr. Salih Fočo, predsjednik Komisije
12. Međunarodna saradnja
Izvjestilac: prof. dr. Rifat Škrijelj, rektor Univerziteta u Sarajevu
13.
 - a) Izvještaj Komisije za provođenje postupka priznavanja inozemnih visokoškolskih kvalifikacija
 - b) Imenovanje komisije za provođenje postupka akademskog priznavanja inozemnih visokoškolskih kvalifikacija**Izvjestilac:** prof. dr. Aida Hodžić, prorektorica za nastavu i studentska pitanja Univerziteta u Sarajevu

14. Studentska pitanja

15. a) Prijedlog Pravilnika o izmjenama i dopunama Jedinstvenog pravilnika o plaćama i naknadama osoblja Univerziteta u Sarajevu

Izvjestilac: prof. dr. Željko Šain, prorektor za finansije Univerziteta u Sarajevu, predsjednik Komisije, prof. dr. Jasminka Gradašćević-Sijerčić, predsjednica Odbora za normativna pitanja Univerziteta u Sarajevu

b) Izvještaj o provedenoj javnoj raspravi o Nacrtu Pravilnika o radu Univerziteta u Sarajevu (jedinstveni)

Izvjestilac: dr. sc. Suvad Konaković, generalni sekretar Univerziteta u Sarajevu, predsjednik Komisije

T O K S J E D N I C E

Ad-1.

Jednoglasno i bez primjedbi usvojen je Zapisnik sa 6. redovne sjednice Senata od 29. 03. 2017. godine.

Ad-2.

Nakon kratke informacije od rektora prof. dr. Rifata Škrijelja Senat Univerziteta je jednoglasno donio sljedeći

Z A K L J U Č A K

1. Konstatira se da su 25. 04. 2017. godine – dostavljanjem informacije od prof. dr. Izeta Rađe, prorektora za naučnoistraživački/umjetničkoistraživački rad Univerziteta u Sarajevu, o povlačenju sa pozicije prodekana za međunarodnu saradnju i osiguranje kvalitete na Fakultetu sporta i tjelesnog odgoja Univerziteta u Sarajevu – otklonjene smetnje za obavljanje dužnosti prorektora Univerziteta.
2. Zadužuje se dekan Fakulteta za sport i tjelesni odgoj Univerziteta u Sarajevu prof. dr. Nusret Smajlović da do 05. 05. 2017. godine dostavi izjašnjenje o okolnostima povlačenja prof. dr. Izeta Rađe sa pozicije prodekana sa odlukom o njegovom razrješenju.

Ad-3.

a) U skladu sa **Zakonom o visokom obrazovanju Kantona Sarajevo i Statutom Univerziteta u Sarajevu**, Senat Univerziteta u Sarajevu izvršio je izbor u akademska i naučna zvanja, kako slijedi:

AKADEMIJA LIKOVNIH UMJETNOSTI

3.1. Mr. Admir Mujkić u zvanje docenta za oblast *grafika*; predmeti: *Likovna tehnologija I i II, Grafička tehnologija I i II, Grafičke tehnike od I do VI, Tehnologija industrijskog tiska.*

ARHITEKTONSKI FAKULTET

3.2. Dr. Vedad Islambegović u zvanje docenta za oblast *arhitektonsko projektovanje.*

3.3. Dr. Nihad Babović u zvanje vanrednog profesora za predmete: *Slobodno crtanje 1, 2, 3 i 4.*

3.4. Mirza Bašalić, dipl. ing. arh., u zvanje asistenta za oblast *arhitektonsko projektovanje.*

FAKULTET ZA KRIMINALISTIKU, KRIMINOLOGIJU I SIGURNOSNE STUDIJE

3.5. Dr. Irma Deljković u zvanje redovnog profesora za oblast *kriminalistika* (izbor prije isteka izbornog perioda).

FAKULTET POLITIČKIH NAUKA

3.6. Dr. Haris Cerić u zvanje vanrednog profesora za oblast *pedagoške nauke*.

FAKULTET ZA SAOBRAĆAJ I KOMUNIKACIJE

3.7. Dr. Muharem Šabić u zvanje vanrednog profesora za oblast *zrakoplovni saobraćaj*.

3.8. Edvin Šimić, MA, u zvanje asistenta za oblast *zrakoplovni saobraćaj*.

FAKULTET ZDRAVSTVENIH STUDIJA

3.9. Dr. Eldad Kaljić u zvanje docenta za predmet *Klinička kineziologija*.

GRAĐEVINSKI FAKULTET

3.10. Dr. Amra Serdarević u zvanje vanrednog profesora za oblast *hidrotehnika i okolišno inženjerstvo*.

3.11. Dr. Suvada Jusić u zvanje vanrednog profesora za oblast *hidrotehnika i okolišno inženjerstvo*.

INSTITUT ZA ISTRAŽIVANJE ZLOČINA PROTIV ČOVJEČNOSTI I MEĐUNARODNOG PRAVA

3.12. Mr. Ilvana Salić u zvanje višeg stručnog saradnika.

INSTITUT ZA JEZIK

3.13. Dr. Jasmin Hodžić u zvanje naučnog saradnika za oblast *lingvistika – bosanski, hrvatski, srpski jezik* (Odjeljenje za standardni jezik).

INSTITUT ZA HISTORIJU

3.14. Dr. Enes Dedić u zvanje naučnog saradnika za oblast *starija historija (srednji vijek)*.

3.15. Mr. Jasmin Medić u zvanje višeg stručnog saradnika za oblast *moderna historija*.

MUZIČKA AKADEMIJA

3.16. Mr. Ehlimana Tikveša u zvanje redovnog profesora za predmet *Klavir I-X*.

3.17. Mr. Adema Pljevljak-Krehić u zvanje vanrednog profesora za oblast *solo pjevanje*.

3.18. Dr. Belma Alić u zvanje vanrednog profesora za oblast *violončelo*.

3.19. Mr. Dragan Opančić u zvanje vanrednog profesora za oblast *klavir*.

3.20. Amra Toska, MA, u zvanje višeg asistenta za oblast *etnomuzikologija*.

MAŠINSKI FAKULTET

3.21. Dr. Boran Pikula u zvanje redovnog profesora za oblast *motori i vozila*.

3.22. Dr. Dževad Bibić u zvanje redovnog profesora za oblast *motori i vozila*.

3.23. Mr. Almir Blažević u zvanje višeg asistenta za oblast *motori i vozila*.

MEDICINSKI FAKULTET

3.24. Dr. Rusmir Baljić u zvanje docenta za oblast *infektivne bolesti*.

POLJOPRIVREDNO-PREHRAMBENI FAKULTET

3.25. Dr. Enver Karahmet u zvanje vanrednog profesora za oblast *standardizacija i kontrola kvaliteta proizvoda*.

PRIRODNO-MATEMATIČKI FAKULTET

3.26. Dr. Ranko Mirić u zvanje vanrednog profesora za oblasti: *regionalna geografija i turizam*.

3.27. Dr. Aner Čerkić u zvanje vanrednog profesora za oblast *teorijska fizika* (izbor prije isteka izbornog perioda).

3.28. Dr. Elvedin Hasović u zvanje vanrednog profesora za oblast *teorijska fizika* (izbor prije isteka izbornog perioda).

3.29. Dr. Alem Memić u zvanje docenta za oblast *primijenjena matematika*.

b) Donesena je Odluka o stavljanju van snage Odluke Senata Univerziteta broj: 01-4968/17 od 13. 07. 2016. godine o izboru u zvanje asistenta na Stomatološkom fakultetu sa klinikama Univerziteta u Sarajevu za oblast *oralna hirurgija sa dentalnom implantologijom*.

c) Donesene su odluke o raspisivanju konkursa za izbore akademskog osoblja na: Arhitektonskom fakultetu, Ekonomskom fakultetu, Elektrotehničkom fakultetu, Fakultetu za kriminalistiku, kriminologiju i sigurnosne studije, Fakultetu za saobraćaj i komunikacije, Farmaceutskom fakultetu, Građevinskom fakultetu, Katoličkom bogoslovnom fakultetu, Mašinskom fakultetu, Medicinskom fakultetu, Pedagoškom fakultetu, Poljoprivredno-prehrambenom fakultetu, Prirodno-matematičkom fakultetu i Stomatološkom fakultetu sa klinikama Univerziteta u Sarajevu.

d) Data je saglasnost na izmjene i dopune plana realizacije nastave sa listom nastavnika na: Prirodno-matematičkom fakultetu Univerziteta u Sarajevu, uz obavezu sačinjavanja prečišćenog teksta plana realizacije nastave u skladu sa dosadašnjim izmjenama i dopunama koje su verificirane na Senatu.

Ad-4.

Doktorati – predbolonjski

FARMACEUTSKI FAKULTET

Data je saglasnost za obrazovanje komisija za ocjenu i odbranu doktorskih disertacija kandidata:

4.1. Mr. Ognjenka Rahić: *Formulacija i evaluacija peleta u kapsulama sa pulsirajućim oslobađanjem lizinopрила*.

4.2. Mr. Jasmina Gradašćević-Gubaljević: *Malondialdehid kao marker oksidativnog stresa kod bolesnica sa rakom dojke* (staviti van snage Odluku Senata od 22. 02. 2017. godine).

MEDICINSKI FAKULTET

Data je saglasnost za obrazovanje komisija za ocjenu i odbranu doktorskih disertacija kandidata:

4.3. Mr. Amila Mehmedović: *Prediktivna uloga hronične Helicobacter pylori infekcije i konsektivne inflamacije u nastanku i toku malignog rasta u digestivnom traktu*.

4.4. Mr. Edina Lazović-Salčin: *Značaj denziteta tumor infiltrirajućih dendritskih stanica i polarizacije tumoru pridruženih makrofaga u promociji agresivnosti karcinoma želuca*.

4.5. Mr. Aida Pitić: *Matematički model predviđanja vjerovatnoće nastanka bolničkih infekcija kod pacijenata hospitaliziranih u jedinicama intenzivne njege hirurškog i internističkog tipa Kliničkog centra Univerziteta u Sarajevu*.

PRIRODNO-MATEMATIČKI FAKULTET

4.6. Usvojen je prijedlog za obrazovanje Komisije za ocjenu i odbranu doktorske disertacije kandidata mr. Damira Hasića pod naslovom *Filogenetska rekonsilijacija i preraspodjele*.

Doktorati – treći ciklus studija (doktorski studij)

Jednoglasno su donesene odluke kojima se obrazuju sljedeće komisije za ocjenu uvjeta kandidata i podobnosti teme doktorske disertacije:

FAKULTET ZA KRIMINALISTIKU, KRIMINOLOGIJU I SIGURNOSNE STUDIJE

4.7. Mr. Emir Efendić: *Predvidivi sadržaji prevencije krivičnih djela razbojništva na području Kantona Sarajevo*.

4.8. Mr. Driton Muharremi: *Značaj fenomenoloških i etioloških elemenata krivičnog djela ubistva vatrenim oružjem radi njegovog rasvjetljavanja*.

FAKULTET POLITIČKIH NAUKA

4.9. Midhat Čaušević, MA: *Društveni status porodice u Bosni i Hercegovini u postdejtonskom periodu*.

4.10. Muamer Džananović, MA: *Djeca i porodica u sociologiji genocida – studija slučaja gornje Podrinje 1992–1995*.

FAKULTET ISLAMSKIH NAUKA

4.11. Mr. Edin Dedić: *Tesavvufsko-odgojna misao Ibn ‘Aṭā ‘illāh as-Sakandarīja*.

4.12. Mr. Saudin Gobeljić: *Klasična muslimanska teološka percepcija drugih religijskih tradicija*.

FARMACEUTSKI FAKULTET

4.13. Suzana Tihić-Kapidžić: *Dijagnostički značaj određivanja hemostatskih markera kod pedijatrijskih pacijenata sa dijagnozom Tip 1 diabetes mellitus*.

4.14. Tanja Vojinović: *Karakterizacija i optimizacija čvrstih disperzija kao nosača u cilju poboljšanja brzine rastvaranja teško rastvorljivih ljekovitih supstanci*.

4.15. Una Suljić: *Uticaj konvencionalne terapije i metaboličke terapije na poboljšanje kvaliteta života kod pacijenata sa ishemijskom bolesti srca*.

4.16. Marijana Marković-Boras: *Utjecaj koncentracije homocisteina i odabranih parametara oksidativnog stresa i inflamacije na ishod perkutane koronarne intervencije kod bolesnika sa dijabetesom*.

4.17. Jasmina Fočo-Solak: *Dijagnostički značaj određivanja koncentracije malondialdehida i odabranih parametara inflamacije kod gojazne pedijatrijske populacije*.

FAKULTET ZA UPRAVU – PRIDRUŽENA ČLANICA

4.18. Mr. Suada Kuljaninović: *Korupcija i njen uticaj na zakonitost rada organa uprave u Bosni i Hercegovini*.

GRAĐEVINSKI FAKULTET

4.19. Nerma Lazović, MA: *Doprinos proučavanju opšte deformacije riječnog korita primjenom terenskih i numeričkih istraživanja*.

MAŠINSKI FAKULTET

- 4.20. Mr. Petar Tasić: *Prilog istraživanju aspekata efikasnosti zavarivanja trenjem sa miješanjem.*

MEDICINSKI FAKULTET

- 4.21. Mr. Suada Hasanović-Vučković: *Korelacija stepena degenerativnih promjena lumbalne kičme na magnetnoj rezonanci i lumboishialgičnih tegoba mjerenih ODI indeksom i VAS skalom.*
- 4.22. Mr. Amina Pljevljak-Bulbul: *Perzistentnost humanog papiloma virusa visokog rizika i rizik od rezidualne ili rekurentne cervikalne intraepitelne neoplazije nakon konizacije.*
- 4.23. Prijedlog za obrazovanje komisije za odbranu doktorske disertacije kandidata mr. Amele Dervišević pod naslovom *Procjena antioksidativnih i antiinflamatornih učinaka alfa-tokoferola i gama-tokotrienola kod štakora sa induciranim reumatoidnim artritismom.*

PEDAGOŠKI FAKULTET

- 4.24. Mr. Aida Omersoftić: *Transformacijsko vođenje direktora i izgradnja inovativne škole.*

Jednoglasno je donesena odluka kojom se verificiraju izvještaji komisija za ocjenu uvjeta kandidata i podobnosti teme doktorske disertacije:

FAKULTET POLITIČKIH NAUKA

- 4.25. Dragan Bašić, MA: *Transformacija državne uprave i javnog sektora u zemljama Zapadnog Balkana.*
- 4.26. Elma Huruz, MA: *Stranački pluralizam i multietnička stvarnost Bosne i Hercegovine.*
- 4.27. Maja Blaževska, MA: *Politička kontrola medija na Balkanu.*
- 4.28. Mr. Amer Osmić: *Savremene metodološke pozicije u sociologiji.*
- 4.29. Mr. Nusreta Salić: *Percepcija i procjena starijih osoba u Bosni i Hercegovini o socijalnoj podršci i kvalitetu života.*
- 4.30. Sanid Zirak, MA: *Evropske integracije u funkciji jačanja kapaciteta jedinica lokalne samouprave u Bosni i Hercegovini.*

FAKULTET ZDRAVSTVENIH STUDIJA

- 4.31. Mr. Namik Trtak: *Procjena efikasnosti Schroth tretmana skolioza djece u odnosu na klasični kineziterapijski tretman.*

PRIRODNO-MATEMATIČKI FAKULTET

- 4.32. Erna Islamagić, MA: *Molekularno-genetička osnova rezistencije na inhibitore tirozin kinaza kod pacijenata sa hroničnom mijeloidnom leukemijom.*
- 4.33. Lejla Mehinović, MA: *Molekularna karakterizacija pacijenata sa mijeloidnim neoplazmama sa područja Kantona Sarajevo: dvadesetogodišnje praćenje.*
- 4.34. Amela Pilav, MA: *Komparativna analiza efikasnosti PowerPlex 16 i PowerPlex Fusion multipleks STR lokusa u procesu humane forenzičke individualizacije.*
- 4.35. Nikolina Elez-Burnjaković, MA: *Autofagija kao mehanizam antitumorskog djelovanja dikalij-trioksohidroksitetrafluorotriborata $K_2(B_3O_3F_4OH)$.*
- 4.36. Ajla Smajlović, MA: *Kompleksna molekularno-genetička analiza modulirajućih efekata dikalij-trioksohidroksitetrafluorotriborata na modelu inflamatorne dermatoze pacova.*
- 4.37. Prijedlog komisije za odbranu doktorske disertacije pod naslovom *Razvoj novog senzora na bazi Ru(III) kompleksa izvedenih iz supstituiranih salicilaldehida i fenolamina kandidata mr. Safete Redžić.*

Jednoglasno su donesene odluke kojima se obrazuju komisije za ocjenu doktorskih disertacija:

POLJOPRIVREDNO-PREHRAMBENI FAKULTET

4.38. Mr. Emira Hukić: *Svojstva tla i dinamika organske materije u šumama bukve i jele (sa smrčom) na krečnjacima i dolomitima na području Bjelašnice.*

Jednoglasno su donesene odluke kojima se obrazuju komisije za ocjenu radnih verzija doktorskih disertacija:

FAKULTET POLITIČKIH NAUKA

4.39. Mirza Lišinović, MA: *Sigurnosni rizici i javna okupljanja u Bosni i Hercegovini.*

PRIRODNO-MATEMATIČKI FAKULTET

4.40. Prijedlog za obrazovanje komisije za ocjenu radne verzije projekta doktorske disertacije pod naslovom *Imunohemijska kvantifikacija eritropoetina u serumu bubrežnih bolesnika i njegova matematičko-statistička korelacija sa hematološkim parametrima* kandidata mr. Mirsada Panjete.

Jednoglasno su donesene odluke kojima se obrazuju komisije za odbranu doktorskih disertacija:

EKONOMSKI FAKULTET

4.41. Elma Šatrović, MA: *The Relationship between Life Insurance and Economic Growth: Examining the Relevance of Linear Static vs. Linear Dynamic Panel Data Estimators.*

FAKULTET POLITIČKIH NAUKA

4.42. Mr. Kasim Podžić: *Boračka populacija i izgradnja mira u Bosni i Hercegovini.*

MUZIČKA AKADEMIJA

4.43. Mr. Naida Hukić: *Harmonijski jezik u koncertima bosanskohercegovačkih kompozitora.*

4.44. Mr. Emina Smolović: *Specifičnosti izvođačke interpretacije Sonata za violinu i klavir Wolfganga Amadeusa Mozarta.*

MAŠINSKI FAKULTET

4.45. Mr. Amra Hasečić: *Numeričko modeliranje prenosa toplote zračenjem u višefaznim tokovima sa slobodnom površinom.*

PEDAGOŠKI FAKULTET

4.46. Prijedlog za obrazovanje komisije za odbranu doktorske disertacije pod naslovom *Geometrijski sadržaji u početnoj nastavi matematike* kandidata mr. Sanele Nesimović.

Jednoglasno su usvojeni izvještaji o toku i rezultatu odbrane doktorskih disertacija:

EKONOMSKI FAKULTET

4.47. Amra Čaušević, MA: *Utjecaj menadžmenta događaja na percepciju turističke destinacije: primjer Sarajevo film festivala.*

ELEKTROTEHNIČKI FAKULTET

4.48. Adnan Mujezinović, MA: *Modeliranje sistema katodne zaštite galvanskim anodama s dinamičkim nelinearnim polarizirajućim karakteristikama.*

MAŠINSKI FAKULTET

4.49. Mr. sc. Mirsada Čakal: *Procjena kontaminacije tla javnih dječijih parkova teškim metalima.*

Ad-5.

a) Nastavni planovi i programi

- Data je saglasnost Prirodno-matematičkom fakultetu i Akademiji likovnih umjetnosti Univerziteta u Sarajevu na nastavni plan i program II ciklusa interdisciplinarnog studija „Konzervacije/restauracije“.
- Data je saglasnost Centru za interdisciplinarne studije Univerziteta u Sarajevu na nastavni plan i program Evropskog regionalnog magistarskog programa „Demokratija i ljudska prava u jugoistočnoj Evropi“ u okviru programa ERMA.
- Data je saglasnost Centru za interdisciplinarne studije Univerziteta u Sarajevu na nastavni plan i program internacionalne ljetne škole „Međunarodna izbjeglička zaštita i prava – Zapadni Balkan u fokusu“.
- Data je saglasnost Centru za interdisciplinarne studije Univerziteta u Sarajevu na nastavni plan i program master-studija „Evropske studije“.
- Data je saglasnost Centru za interdisciplinarne studije Univerziteta u Sarajevu na nastavni plan i program „Nutricionizam“.
- Data je saglasnost Fakultetu političkih nauka Univerziteta u Sarajevu na nastavni plan i program master-studija „Političke nauke i upravljanje“, uz obavezu Fakulteta da se dostave dokumenti za okončanje ove procedure u smislu štampanja i potpisivanja diploma kao i naziva titule koja se stječe.
- Data je saglasnost Fakultetu za kriminalistiku, kriminologiju i sigurnosne studije na nastavni plan i program drugog ciklusa studija „Korporativna sigurnost i zaštita“.
- Data je saglasnost Fakultetu za upravu – pridruženoj članici Univerziteta u Sarajevu na izmjene i dopune programa cjeloživotnog učenja pod nazivom „Daktilografija sa poslovnim komunikacijama“.
- Data je saglasnost Fakultetu zdravstvenih studija Univerziteta u Sarajevu na izmjenu naziva studija „Zdravstvene njege i terapije“ u studij „Zdravstvene njege“.
- Data je saglasnost Mašinskom fakultetu na izmjenu silabusa na predmetu „Projektovanje procesnih postrojenja“ i dopunu nastavnog plana i programa na Katedri za motore i vozila sa nastavnim predmetom „Autonomna vozila u zračnom prometu“.
- Data je saglasnost Stomatološkom fakultetu sa klinikama Univerziteta u Sarajevu na nastavni plan i program „Dentalne higijene“.

b) Prijedlog konkursa za treći ciklus studija (doktorski studij)

- Data je saglasnost Mašinskom fakultetu za upis studenata na treći ciklus studija (doktorski studij) iz oblasti *mašinske konstrukcije* u studijskoj 2017/2018. godini.
- Data je saglasnost Šumarskom fakultetu za upis studenata na treći ciklus studija (doktorski studij) iz oblasti *šumarstvo i hortikultura* u studijskoj 2017/2018. godini.

c)

- Data je saglasnost na cijene drugog ciklusa studija, smjer „Menadžment i informacijski sistemi“, koji organiziraju Ekonomski fakultet Univerziteta u Sarajevu i Microsoft Bosne i Hercegovine.
- Data je saglasnost na cijene drugog ciklusa studija „Softver inženjeringa“ na Odsjeku za računarstvo i informatiku Elektrotehničkog fakulteta.

Ad-6.

Usvojen je program rada Univerziteta u Sarajevu za 2017. godinu i upućen je Upravnom odboru na daljnju proceduru.

Ad-7.

Senat Univerziteta je jednoglasno donio Odluku kojom se usvaja Pravilnik o radu Univerziteta u Sarajevu, uz obavezu da o istom informira Upravni odbor Univerziteta u Sarajevu.

Ad-8.

Data je **saglasnost** na prijedlog teksta konkursa i plana upisa kandidata u prvu godinu prvog i integriranog prvog i drugog ciklusa te drugog ciklusa studija na Univerzitetu u Sarajevu u studijskoj 2017/2018. godini, uz usvojene primjedbe na Odluku o kriterijima i mjerilima za utvrđivanje redoslijeda prijema kandidata za upis, a koje su iznesene na sjednici Senata od prof. dr. Almire Hadžović-Džuvo i tiču se člana 2. Odluke, odnosno da se u Odluci umjesto nabrojanih predmeta navede samo „predmeta relevantnih za studij“, a što će posebnom odlukom utvrditi vijeće fakulteta. Prof. dr. Salih Fočo je istakao da je potrebno u članu 8. obrisati st. 2. Navedene primjedbe će biti prosljeđene Službi za nastavu kako bi iste bile uvrštene u tekst Odluke.

Ad-9.

Usvojen je Plan rada Savjeta za nauku Univerziteta u Sarajevu za 2017. godinu.

Ad-10.

Data je saglasnost da se udžbenik „Linearna algebra i analitička geometrija sa primjenama“, autora: prof. dr. Almase Odžak i prof. dr. Senada Odžaka (Prirodno-matematički fakultet), objavi kao univerzitetsko izdanje.

Ad-11.

U okviru tačke o donošenju odluke o izmjeni i dopuni Odluke o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu te fakulteta i akademija u njegovom sastavu, rektor prof. dr. Rifat Škrijelj je istakao sljedeće:

- Vlada Kantona Sarajevo je iznos tranše koji doznajava Univerzitetu u Sarajevu utvrdila još 2007. godine i od tada se iznos nije mijenjao, a formiran je na osnovu broja zaposlenih na Univerzitetu u Sarajevu u 2007. godini;
- Vlada Kantona Sarajevo očekuje prestrukturiranje raspodjele tranše koje će utvrditi Univerzitet u Sarajevu na temelju broja studenata i studija koji se izvode na Univerzitetu u Sarajevu;
- očekuje se da Univerzitet u Sarajevu utvrdi visinu cijene školarina po studentu, a u cilju utvrđivanja visine tranše sa realnim potrebama fakulteta/akademija;
- Univerzitetu u Sarajevu je dostavljen upit od zastupnika u Skupštini Kantona Sarajevo u kojem se ističe da su cijene školarina na Medicinskom i Stomatološkom fakultetu previsoke i u kojem se traži odgovor od Univerziteta o tome da li će doći do korekcije ovih cijena, te je potrebno da se na Senatu zauzme stav o ovom pitanju.

Nakon uvodnog izlaganja rektora za riječ se javio prof. dr. Muhamed Ajanović, dekan Stomatološkog fakulteta sa klinikama, i tom prilikom naveo sljedeće:

Stomatološki fakultet sa klinikama je također dobio navedeni upit te na isti dostavio odgovor u kojem je, između ostalog, navedeno:

- cijena koštanja studija po jednom studentu na Stomatološkom fakultetu iznosi cca 8.000,00 KM, a cijena koja je utvrđena odlukom Vlade Kantona Sarajevo je 7.000,00 KM;
- u sastavu Fakulteta se nalaze i klinike koje moraju biti opremljene kako bismo studentima omogućili kvalitetno školovanje;
- sredstva od školarina se troše isključivo u razvoj Fakulteta, obnavljanje resursa Fakulteta i poboljšanje uvjeta rada za studente, a nikako za lična primanja zaposlenih na Fakultetu;
- studenti Stomatološkog fakulteta su putem svoje asocijacije podržali navedeni iznos cijene za školarine i time doprinijeli poboljšanju uvjeta rada Stomatološkog fakulteta;
- na kraju je istaknuo da je cijena studija koja je utvrđena na Stomatološkom fakultetu najmanja u FBiH, te da bi smanjenjem ovog iznosa došla u pitanje i opstojnost Fakulteta, kao i da se broj kandidata koji žele upisati Stomatološki fakultet u odnosu na ranije godine udvostručio.

Nakon izlaganja prof. dr. Muhameda Ajanovića za riječ se javila prof. dr. Almira Hadžović-Džuvo te navela:

- Medicinski fakultet je također zaprimio navedeni upit i na isti dostavio odgovor u kojem je detaljno obrazložena cijena studija, kao i razlozi za njeno utvrđivanje;
- smanjenje cijena školarina po bilo kom osnovu bi dovelo u pitanje opstojnost Fakulteta, a o smanjenju kvaliteta studija da se i ne govori.

Prof. dr. Nihad Fejzić, koji se javio za diskusiju, naveo je da su zanimanja medicinske struke regulirana zanimanja koja moraju odgovarati ishodima učenja navedenim u dodatku diplomi i da bi se tranša trebala raspoređivati u smislu stvarnog koštanja cijene studija.

Nakon diskusije koja je provedena rektor prof. dr. Rifat Škrijelj je naveo da je nerazumljivo da je cijena na nekim fakultetima i do pet puta veća u odnosu na neke druge fakultete unutar istog univerziteta, te da bi bilo potrebno još jednom razmotriti iznose visine cijena školarina u okviru Univerziteta u Sarajevu.

Prof. dr. Almira Hadžović-Džuvo je nakon ovih navoda istakla da bi se cijene trebale utvrđivati na osnovu stvarnih parametara, a ne paušalno, i da bi smanjenje cijena školarina poslalo samo poruku koja bi poslužila u svrhu predizborne kampanje.

Na ovu tvrdnju reagirao je rektor prof. dr. Rifat Škrijelj i tom prilikom oduzeo riječ prof. dr. Almiri Hadžović-Džuvo, a u skladu sa članom 17. Poslovnika o radu Senata, uz konstataciju da nije u pitanju nikakva kampanja nego rasprava koju Senat Univerziteta treba provesti u cilju donošenja odluke.

U okviru ove tačke za riječ se javio i prof. dr. Darko Tomašević i istakao da je ovo pitanje vrlo osjetljivo i da su cijene školarina nerealno niske na ostalim fakultetima; zatim, da bi se smanjenjem bilo kakvih cijena poslala pogrešna poruka; te ko može nakon toga garantirati da neko neće postaviti upit o visini cijene koju sada naplaćujemo u okviru grupacija i da neće ustvrditi da su cijene previsoke.

Predstavnik Ekonomskog fakulteta, prof. dr. Vedad Silajdžić, istakao je da je saglasan sa navodima prof. dr. Darka Tomaševića. Također je naveo da trošak koji nastane mora biti evidentiran i mora se izvršiti njegovo plaćanje, te ukoliko se želi poboljšati kvalitet obrazovanja, mora ili doći do povećanja tranše od osnivača ili se moraju izvršiti korekcije cijena školarina.

Predsjednik SPUS-a, Haris Zahiragić, istakao je da su školarine na Medicinskom i Stomatološkom fakultetu sa klinikama previsoke, ali da SPUS neće zauzimati stav dok se ne konsultira sa asocijacijama predstavnika studenata Medicinskog i Stomatološkog fakulteta sa klinikama.

Nakon ovih diskusija rektor prof. dr. Rifat Škrijelj je prekinuo sjednicu i zakazao nastavak za 03. 05. 2017. godine s početkom u 13:00 sati zbog, kako je naveo, proteka dva sata od početka sjednice.

Sjednica je prekinuta u 15:00 sati.

Rektor

Prof. dr. Rifat Škrijelj, s. r.

Zapisničar:

Mirnes Ibrić, dipl. iur., s. r.

NASTAVAK 7. REDOVNE SJEDNICE SENATA UNIVERZITETA U SARAJEVU ODRŽAN 03. 05. 2017. GODINE SA POČETKOM U 13:00

Prisutni članovi Senata: prof. dr. Rifat Škrijelj, rektor, prof. dr. Željko Šain, prof. dr. Izet Rađo, prof. dr. Aida Hodžić i prof. dr. Aleksandra Nikolić, prorektori, Mirza Ibrahimović, student-prorektor, prof. Marina Finci, prof. dr. Mersad Čuljević, prof. mr. Mevludin Zečević, prof. dr. Kemal Kozarić, prof. dr. Samim Konjicija, prof. dr. Zuhdija Hasanović, prof. dr. Nedžad Korajlić, prof. dr. Šaćir Filandra, prof. dr. Husnija Kajmović, prof. dr. Samir Čaušević, prof. dr. Dijana Avdić, prof. dr. Aida Šapčanin (po ovlaštenju), prof. dr. Salih Fočo, prof. dr. Mustafa Hrasnica, prof. dr. Pavle Mijović (po ovlaštenju), prof. dr. Izet Bijelonja, prof. dr. Almira Hadžović-Džuvo, prof. dr. Senad Kazić, Merima Čaušević (po ovlaštenju), prof. dr. Pakeza Drkenda (po ovlaštenju), prof. dr. Hajrija Sijerčić-Čolić, prof. dr. Mustafa Memić, prof. dr. Muhamed Ajanović, prof. dr. Mirza Dautbašić, prof. dr. Hajrudin Beširović (po ovlaštenju), prof. dr. Naris Pojskić, dr. sc. Rasim Muratović, dr. sc. Senija Milišić, dr. sc. Jasmin Hodžić (po ovlaštenju), te predstavnici Studentskog parlamenta Univerziteta u Sarajevu: Merim Serdarević, predsjednik SPUS-a, Bakir Sijerčić, predstavnik Vijeća Grupacije društvenih nauka, student Ekonomskog fakulteta Univerziteta u Sarajevu, Melis Aščić, predstavnik Vijeća Grupacije

medicinskih nauka, student Stomatološkog fakulteta sa klinikama, Resul Alić, predstavnik Vijeća Grupacije humanističkih nauka, student Fakulteta islamskih nauka, Arnel Terzić, predstavnik Vijeća Grupacije tehničkih nauka, student Fakulteta za saobraćaj i komunikacije, Mirela Mujanović, predstavnica Vijeća Grupacije prirodno-matematičkih i biotehničkih nauka, studentica Fakulteta za kriminalistiku, kriminologiju i sigurnosne studije, Azra Dizdar, predstavnica Vijeća Grupacije umjetnosti, studentica Muzičke akademije.

Ostali prisutni: dr. sc. Suvad Konaković, generalni sekretar Univerziteta u Sarajevu, i prof. dr. Jasminka Gradašćević-Sijerčić, predsjednica Odbora za normativna pitanja Univerziteta u Sarajevu.

Odsutni članovi Senata: prof. Zijad Mehić i prof. dr. Maida Čohodar-Husić, prorektori, dr. sc. Adnan Kadrić, prof. dr. Nezir Krčalo.

Ad-11.

Prof. dr. Aida Hodžić, prorektorica za nastavu i studentska pitanja, upoznala je članove Senata sa dostavljenim Izvještajem Komisije za utvrđivanje visine cijene koštanja studija po studentu na Univerzitetu u Sarajevu.

Nakon uvodnih izlaganja otvorena je šira, konstruktivna rasprava članova Senata Univerziteta u kojoj su učestvovali: prof. dr. Rifat Škrijelj, rektor, prof. dr. Aida Hodžić, prorektorica, prof. dr. Šaćir Filandra, prof. dr. Hajrija Sijerčić-Čolić, prof. dr. Almira Hadžović-Džuvo, prof. dr. Muhamed Ajanović, prof. dr. Kemal Kozarić, prof. dr. Mustafa Hrasnica, prof. dr. Samir Čaušević, prof. dr. Samim Konjicija, prof. dr. Naris Pojskić, prof. dr. Mersad Čuljević i predstavnik studenata Merim Serdarević, predsjednik Studentskog parlamenta Univerziteta u Sarajevu.

Senat Univerziteta je, povodom razmatranja predmetne tačke, sa 8 (osam) glasova „protiv“ donio sljedeću

ODLUKU

I

Usvaja se Prijedlog Odluke o izmjeni i dopuni Odluke o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu te fakulteta i akademija u njegovom sastavu.

II

Sastavni dio ove odluke je Prijedlog Odluke o izmjeni i dopuni Odluke o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu te fakulteta i akademija u njegovom sastavu.

Nakon toga je, na prijedlog prof. dr. Rifata Škrijelja, rektora Univerziteta u Sarajevu, Senat Univerziteta sa 8 (osam) glasova „protiv“ donio sljedeći

ZAKLJUČAK

1. Razmatrajući Prijedlog Odluke o izmjeni i dopuni Odluke o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu te fakulteta i akademija u njegovom sastavu, Senat Univerziteta je sa osam glasova protiv zauzeo stav da je, u cilju izrade metodologije zasnovane na ekonomskim principima za izračun cijene koštanja studija po studentu, potrebno da Komisija – u koju će biti uključeni predstavnici ekonomske struke i predstavnici studenata – nastavi sa radom.
2. Senat Univerziteta je sa osam glasova protiv usvojio Prijedlog Odluke o izmjeni i dopuni Odluke o davanju saglasnosti na visinu participacije cijena usluga, upisnina i drugih troškova studija Univerziteta u Sarajevu te fakulteta i akademija u njegovom sastavu na temelju ranije utvrđenog prijedloga Senata Odlukom sa 43. sjednice održane 04. 05. 2016. godine, uz konstataciju da ispred cijena koje se predlažu stoji prefiks *do*.
3. Senat Univerziteta je jednoglasno zauzeo stav da se u članu 2. Odluke iza riječi „branitelja“ dodaju riječi „sa teritorija Bosne i Hercegovine“, tako da se član 2. Odluke mijenja i glasi:
„Djeca šehida i poginulih branitelja sa teritorija Bosne i Hercegovine koji prvi put upisuju odgovarajuću godinu prvog ili drugog ciklusa studija oslobođeni su plaćanja upisnine u predviđenom iznosu, uz obavezu Vlade Kantona Sarajevo da isti refundira Univerzitetu u Sarajevu te fakultetima i akademijama u njegovom sastavu namjenskim sredstvima iz budžeta Kantona Sarajevo, a u skladu sa članom 25. Zakona o dopunskim pravima boraca/branitelja Bosne i Hercegovine, prečišćeni tekst („Službene novine Kantona Sarajevo“, broj: 45/12).

Ad-12.

U okviru tačke „Međunarodna saradnja“ Senat Univerziteta je dao sljedeće saglasnosti:

data je saglasnost na potpisivanje sporazuma o akademskoj saradnji između Univerziteta u Sarajevu i Međunarodnog instituta za bliskoistočne i balkanske studije (Zavod IFIMES), Ljubljana (Slovenija);

data je saglasnost na potpisivanje sporazuma o međunarodnoj superviziji doktorske teze za kandidata gosp. Emira Deljanina sa Fakulteta za saobraćaj i komunikacije Univerziteta u Sarajevu;

data je saglasnost za održavanje međunarodne ljetne škole „Komparativno javno zdravstvo: Srbija i Bosna i Hercegovina“ / „Northwestern Comparative Public Health: Serbia and Bosnia and Herzegovina“, čiji su predlagači Medicinski fakultet i Fakultet zdravstvenih studija Univerziteta u Sarajevu te Služba za međunarodnu saradnju Univerziteta u Sarajevu.

Ad-13.

- a) Prof. dr. Aida Hodžić, prorektorica za nastavu i studentska pitanja, izvijestila je članove Senata Univerziteta o dostavljenom Izvještaju Komisije za provođenje postupka stručnog priznavanja inozemnih visokoškolskih kvalifikacija sa 6. sjednice održane 20. 04. 2017. godine. Slijedom navedenog, Senat je jednoglasno donio odluku kojom se usvaja Izvještaj Komisije za provođenje postupka stručnog priznavanja inozemnih visokoškolskih kvalifikacija broj: 0101-2778/17 od 20. 04. 2017. godine.
- b) Senat Univerziteta je jednoglasno donio odluku o imenovanju Komisije za provođenje postupka akademskog priznavanja inozemnih visokoškolskih kvalifikacija Univerziteta u Sarajevu u svrhu nastavka studija.

Ad-14.

Pod tačkom „Studentska pitanja“ gosp. Merim Serdarević, predsjednik Studentskog parlamenta Univerziteta u Sarajevu, upoznao je članove Senata Univerziteta o novoizabranom rukovodstvu Studentskog parlamenta Univerziteta u Sarajevu i predstavnicima studenata u Senatu Univerziteta.

Senat Univerziteta je jednoglasno donio odluku o imenovanju studenta-prorektora Univerziteta u Sarajevu, gosp. Mirze Ibrahimovića, studenta trećeg ciklusa studija Fakulteta sporta i tjelesnog odgoja Univerziteta u Sarajevu.

Ad-15.

a) Prijedlog Pravilnika o izmjenama i dopunama Jedinostvenog pravilnika o plaćama i naknadama osoblja Univerziteta u Sarajevu

Izjavitelj: prof. dr. Željko Šain, prorektor za finansije Univerziteta u Sarajevu, predsjednik Komisije, prof. dr. Jasminka Gradašćević-Sijerčić, predsjednica Odbora za normativna pitanja Univerziteta u Sarajevu

Prof. dr. Jasminka Gradašćević-Sijerčić, predsjednica Odbora za normativna pitanja Univerziteta u Sarajevu i članica Komisije za utvrđivanje prijedloga izmjena i dopuna Jedinostvenog pravilnika o plaćama i naknadama osoblja Univerziteta u Sarajevu (u daljnjem tekstu: Komisija), izjavitelja je članove Senata Univerziteta o dostavljenom Izjaveščaju Komisije. S tim u vezi, istakla je da je Komisija imala ovlaštenje da, nakon provedene javne rasprave, sačini prijedlog teksta koji sadrži primjedbe, prijedloge i mišljenja iznesena u javnoj raspravi, kao i da dā obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi prijedloga izmjena i dopuna Jedinostvenog pravilnika o plaćama i naknadama osoblja Univerziteta u Sarajevu i to u roku ne dužem od 3 (tri) radna dana od dana okončanja trajanja javne rasprave koja je trajala do 10. 04. 2017. godine i isti dostavi Senatu Univerziteta u Sarajevu na daljnje postupanje.

Nakon izlaganja prof. dr. Jasminke Gradašćević-Sijerčić, Senat Univerziteta je jednoglasno donio sljedeću

ODLUKU**I**

Usvaja se Prijedlog izmjena i dopuna Jedinostvenog pravilnika o plaćama i naknadama osoblja na Univerzitetu u Sarajevu.

II

Prijedlog izmjena i dopuna Jedinostvenog pravilnika o plaćama i naknadama osoblja na Univerzitetu u Sarajevu čini sastavni dio ove odluke i upućuje se Upravnom odboru Univerziteta u Sarajevu na usvajanje.

b) Izjaveščaj o provedenoj javnoj raspravi o Nacrtu Pravilnika o radu Univerziteta u Sarajevu (jedinostveni) nije razmatran zbog neprisustva izjavitelja dr. sc. Suvada Konakovića, generalnog sekretara Univerziteta u Sarajevu.

Sjednica je završena u 15:00 sati

Rektor

Prof. dr. Rifat Škrijelj, s. r.

Zapisničar:

Berina Smajlović, BA prava